

გუბერნატორი რეგიონის მოსახლეობასთან შეხვედრებს განაგრძობს

03 მარტი 2017

შიდა ქართლის რწმუნებული-გუბერნატორი, კახა სამხარაძე მოადგილეებთან და ადგილობრივი ხელისუფლების წარმომადგენლებთან ერთად გორის მუნიციპალიტეტის სოფლებს – ქვახვრელს, უფლისციხეს, ხიდისთავსა და ატენს ესტუმრა. შეხვედრას გორის მუნიციპალიტეტის მაჟორიტარი დეპუტატი, თემურ ხუბულური და სოფლის მეურნეობის სამინისტროს შიდა ქართლის რეგიონალური სამმართველოს უფროსი, მამუკა ლომსაძეც ესწრებოდა. სამხარაძე სოფლების მოსახლეობას შეხვდა და ადგილზე გაეცნო მდგომარეობას. შეხვედრა დიალოგის რეჟიმში წარიმართა და საუბარი შეეხო სოფლისა და მცხოვრებლების საჭიროებებს. გუბერნატორის თქმით, ასეთი სახის შეხვედრები ხელს შეუწყობს ხელისუფლებასა და მოსახლეობის ეფექტურ კომუნიკაციას, რაც საბოლოო ჯამში საკითხების დროულად გადაწყვეტას განაპირობებს. ამავდროულად, ხელისუფლების წარმომადგენლება ხიდისთავში სასმელი წყლის პროექტის მიმდინარე სამუშაოებიც მოინახულეს. სოფლის მეურნეობის სამინისტროს წარმომადგენლებმა კი მოსახლეობას სოფლის მეურნეობის პროგრამებთან დაკავშირებული ინფორმაცია გააცნეს.